

黔牘偶存

二

分精錄存

二

黔牘偶存之二

黔南軍政紀目稟陳軍門

徵發屯軍牌

運米入城示

東鄉紳

稟按院

諭水西帖

二月初二日稟軍門

二月初二日稟按院

諭獾賊檄

二月廿四日再諭

二月十三日稟軍門

二月廿三日稟軍門

二月廿六日稟軍門

東張總鎮黃都司

二月三十日稟兩院

諭安位帖

薦凌曲靖於兩院

諭賊營諸生帖

稟軍門分別緝梟四犯

為孟氏獄稟兩院

查四月初一日敗陣情由呈覆軍門

東張總鎮

四月十六日稟軍門

嚴借餉銀示

又

東鄉紳

四月二十日稟兩院

稟迎新軍門

四月廿七日稟兩院

回段州守及范邦雄并安莊衛掌印官

五月初八日稟新軍門

籍客民守城示

破白頭帖示

諭鎮遠偏橋興隆生員楊占霄李先春周達道等

回定番州

批答守備商士杰

同日諭黃守備

諭商士杰黃運寧

稟新撫院

諭李希堯帖

東黃都司

稟新撫院

東凌曲靖

東繆西垣

又軍門

禁搶米示

諭守備史啟光

東徐監紀

收養子女示

移協理凌監軍分別兵糧

稟兩院賣粥救饑

稟軍門

東繆西垣

稟按院求檄黃營發兵

緹打驕將示

東張總鎮

令士民竟殺橫兵示

酌行三鄉紳養兵檄

稟軍門銀米同發

東張總鎮

申飭諸生守城牌

批鄉紳公呈

行五城士民養兵牌

移貴寧道送吏承比米

殺講糧亂兵示

八月二十日稟按院

同日稟軍門

八月廿二日東張總鎮

又

八月廿三日稟兩院

同日又稟軍門

同日又稟按院

十便示

稟軍門徵定番兵糧

九月初一日示

九月初五日東鄉紳

九月十四日催新添兵

示官兵

催各衛各路官兵檄

曉諭從賊愚民檄

稟兩院議分門夜巡

諭宋師相帖

十一月初二日稟兩院買米事宜

十一月十六日稟軍門詳三院

臨出黔條陳黔事稟王軍門

東漢書

詔出獄新新經事稟王軍門

十一月十六日稟軍門

稟平民陳王日稟兩到買米事宜

儲米轉轉計

知儲米轉轉計

示官兵

十一月十四日新陳新兵

十一月十五日示

十一月十五日示

東漢書

黔牘偶存之二

黔南軍政

徵發屯軍牌

壬戌正月廿八日

水西反形悉露而托言仲苗此在圍城以前類

如此

照得仲苗為害挾稱永西猖獗異常臨城地方亦被

焚劫省會重地尤當預防雖有各路調集夫兵不時

分佈擒剿至于守城捍禦軍兵必須精銳慣戰方可

禦侮本道訪得貴前二衛一百屯田軍丁素經征戰相應調集以資防守為此牌仰貴前二衛并新貴縣官吏及十所官照牌事理牌到即便分頭立刻差人傳諭各屯堡起取精銳慣戰軍丁隨其屯堡大小量撥三五十名先將各軍妻子糧食移入城中安置排門人戶住宿各兵聽令防守使其妻子在城彼無內顧之憂而各兵各裹糧食自守身家公私兩便其各屯堡有全願赴投者更見忠勤若有起取抗違者即係與賊通同定行重處各所伍官因而嚇索開報不實及賣放者定以軍法從事此係地方緊急要務各

軍丁當思朝廷恩威自計身家禍福共勤王事

有功陞賞通限初一日取齊勿遲時刻致失事機至

緊至緊

運米入城示

正月廿九日

示附近軍民人等知悉凡積蓄有米者速運入城或

乏人挑運即刻報數赴道給與執照借濟兵需以便

差兵搬運俟事寧之日執索領價如不速遵賊至搶

失後悔何及特示

東鄉紳

正月廿九日

事急矣三司已分五門坐卧防守矣乃至兩院亦分

坐南北兩門矣敢告各位老先生亦乞各分信地不分晝夜人守家戰各保貴眷公私兩便急啓

稟按院

正月三十日

昨奉兩臺招募智謀之令本道曲為廣募刻下得陸國訓等四人與水西素交密報安邦彥李希堯今在普定邦彥弟阿能在老雅堡討蓋頭錢昨袁詔宋師相等皆口稱往大方實往普定也邦彥尚有要挾之意若兩臺再有諭帖陸國訓等四人可保其必達轉不如宋師相有作難之意也本職正與國訓議定適軍門臨北城因本職面稟立刻回院寫諭帖矣台臺

昨諭帖已妙極或只抄白但標云恐路阻不得達今
特再發亦可但乞刻下即發彼星夜行矣國訓等實
往普定而討撫臺應付仍求寫大方可見彼之秘計
也此時賊兵十餘萬將逼省城欲通諭帖甚難傳聞尚有要挾之意兩院得此稟以為第一急著

諭水西帖

正月三十日

前見該司所呈據忠示信欸冊其據忠作用固是世
受國恩之真悃其示信之慮有鑒於平播後之異
議自須兩院及今題奏明白使今日該司一意効
忠兩院自於滅藺後力排異議兩院已寫成疏稿止
待該司再一來覆即拜疏行矣但因正月初十日報

奢崇明父子俱已授首前疏自應少遲今已得州中
真信奢兵雖屢敗而崇明父子未受縛兩院正喜滅
蘭全功可以獨仗該司忽聞雲南兵至此在彼中撫
按各自為計然黔中撫按急上前疏該司急發擒蘭
大兵滇中兵將其誰能與爭功忽又據報四處獍兵
屯聚士民無不驚疑在兩臺及本道輩固深信該司
忠悃而士民不信當道之言即我當道不得不行該
司令急慰士民之望解士民之疑也據士民紛紛來
言院道已一一力破之有傳聞滇兵與水西相角開
釁者則破之云滇兵客也水西主也論勢客何敢與

主爭縱使滇中欲與黔分功然黔中當道無論水西
成約必不食言且滇遠尚欲爭滇功况黔蜀緊鄰黔
中獨不欲自爭黔功乎欲爭黔功自不得不專任水
西此水西所能自信正不必與滇爭此不足疑一也
又有謂水西慮黔中反與雲南共圖滅蘭者夫水西
成功功既專在水西則功亦專在黔耳且水西已赤
心用命與我當道久有成約忽舍此而遠就雲南我
黔當道其肯乎此不足疑二也又有傳奢社輝與安
邦彥及漢把陳其愚李希堯陳萬典等十數知事人
俱一心為國但有夷目欲反者賴社輝邦彥力斥之

今各夷目借雲南兵眩惑正人竟欲謀反我當道又
謂羣小之見自不能移正人忠愍況水西千年爵土
朝廷萬年威福黔中當道密籌制勝士民一心協力
在水西知事人自灼有明見豈至為羣小所惑而出
此顛倒失算之計乎此又所不足疑且不足辨者也
兩院諭帖已炳如日星本道又不恤煩瑣一一為水
西點破仰速遵成議急散獍兵急出義兵一面差的
當人來覆兩院兩院即題奏前疏必無人能與水西
爭功兩院亦不必肯容人爭功須至諭帖者

二月初二日稟軍門

昨鄉紳條議第一款召集屯軍許其家小入城扎營
城外自為防守本道已急行衛縣十所奈衛所延玩
如常策之不前適鄉紳又特來稟乞台臺專檄劉岱
督催屯軍萬乞俯准即刻發令又北城樓造火藥有
警大為不便乞責成的當經管員役立刻搬入陽明
祠為妙昨奉憲行張景珠陳自强李國榮等五枝兵
本職已分佈五城外扎營但須一總管將官兼督其
黃都司許都司范邦雄各兵急宜回省滇兵亦應催
來但一次遣人且明明遣人必有阻格必用計間行
仍多番差人方可冀其一到耳聞舊時遇警有懸賞